

هالة

على نظير هويدى



رئيس مجلس الإدارة
د. أحمد نوار
رئيس الإقليم
سامية قياض
مدير الفرع
أحمد العدوي

مدير التحرير
أ.د. / رزق حسن عبد النبي
الإخراج الفني
د. أحمد عطيتو
التدقيق اللغوي
خالد صالح
المتابعة الإدارية
هنية باشا محمد
صلاح محمد سيد

• هلهلة
• علي نظير هويدي
• الطبعة الأولى:
الهيئة العامة لقصور الثقافة
إقليم القنطرة وسيناء
2007 م
• تصميم الغلاف: د. خالد سرور
رقم الإيداع: ٢٠٠٧/١٤١٥٧
• الترقيم الدولي: 977-437-379-0
• المراسلات:
إقليم القنطرة وسيناء
6 ش عدلي والجيش بالإسماعيلية
بريد: ٤١٥١١ ت.هـ: ٠١٤/٢٩١٢١١٢
• الطباعة والتنضيد:
شركة الأمل للطباعة والنشر
ت: 3904096

الآراء الواردة في هذا الكتاب لا تعبر بالضرورة عن توجه الهيئة
بل تعبر عن رأي وتوجه المؤلف في المقام الأول.

هالة



إهداء

إلى أصلى..
وترية نبت تكويني
إلى حصنى
ونبع هويتى ودينى
إلى آفاق آمالى
إلى سكنى وترحالى
إلى أمى
إلى من نبت فى أحشائها دمي
إلى من ألقى فوق ذراعيها همى
تؤمن روعتى.. طفل
وتنفض كاهلى.. كهل
وحين أعقها.. جهل
تسامحنى.. وتمنحنى
وتفعل مايريدننى
وتخشى الحريلفحنى
تصلى لأجلى وتسمى
جزاك الله يا أمى

ابتلاء

أنا مبتلى:
اصبر على مر الأذى وما قولش أهـ
أنا مبتلى:
أفضل أقول سر الوجود الله
أنا مبتلى:
أفضل أقول الله أكبر ماعداهـ
أنا مبتلى ..أس ابتلاى كلمتى
طلعت نصيبى .. وعدى .. عهدى .. رمتى
من يوم ما خطت رجلى عتبة دنيى
ولحد دود القبر ما يطول رمتى
هى كل أمرى .. كل كل مهمتى
حفضل أقولها جوه قلب الفطرسه

جوه الخداع جوه الضياع والهلوسة
عند اللي فارض روحه بطش و نرجسه
عند اللي عايش عمره كذب ومحلسه
عند اللي أخلص نيته وصبح ولى
أنا مبتلى..

وحقولها لى بيدعى أنه المسيح
وصبح مفوض م السما تفويض صريح
ماسك بإيده دوران المطر والريح
يعدل ما بين الطير على غصن الشجر
يرزق ضعيف الدود ف لفيف الحجر
بيدر بذور الخير وما يفضلش شر
والعدل عنده أنه يبيد تلت البشر

العدل عنده فى إبادة للحياه
أم القنابل أصبحت طوق النجاه
أم القنابل حوطت كل اتجاه

تحصد حصيد كل اللى يدن للصلاه

كل اللى قال الله أكبر م البشر

كل اللى قال الله لا أحد سواه

العدل قتل المسلمين فوق أرضهم

خيرات بلادهم حقه أجرة ضربهم

حقه عليهم فرض يتركوا فرضهم

حقه عليهم عدلهم فى الاحتلال

حقه عليهم حقهم يصبح ضلال

حقه عليهم حجههم شد الرحال

للبيت لبيض والصلاة جهة الشمال

فيها الخشوع تحت الخضوع للكونجرس

فيها الإشادة بالرضى والامتثال

حقه عليهم يسجدوا

ويمجدوا عرشه الرفيع

وينادوا مندوبه نبي
شرع لهم شرعه بديع
خنان تبيح حنيته
قتل البشر كهل ورضيع
منان دولاره بيشترى
كل الوجوه، لازم نبيع
رحمان وطافت رحمته
جوه القلوب واسعه تسيع
شيع قنابل رحمته للطفل فى الأفغان
وجبه فى عليه
بيفتحها وراسه تضيع

حقه عليهم ينادوا أن الإله هو
عالى ما بينه وبين كل العباد هوه
وانا بلوتى فى اختيار الكلمة من جوه
ولازم أقوله بصراحه العدل مش قوه

لازم أقوله بصراحة أنك مسيح دجال
صلفك... غرورك .. ومنهاجك.. ضلال ف ضلال
أنا مش خفاف قوتك ولا حنبر بالمال
ساعة ما عمرى حيخلص راح أموت ف الحال
ساعة ما عمرى حيخلص حتفارقنى الروح
بالسكته أو بالمرض أو قنبلة، بصاروخ
اضربنى وابل قنابل أنا جوه قلبى شموخ
اضربنى وابل قنابل مش حنكسر ولا ادوخ

أحضن صاروخك وابتسم بسمه فداء
بسمه شهيد شهد النجف أو كربلاء
علشان ما تبعد أمته عن أى داء
وأموت وتفضل كلمتى فى الكون نداء
الدنيا دى يا مسلمين دار ابتلاء
دار ابتلاء.. ونا مبتلى

كلمة حق

من حق:

اسمعه منى يا ولد العم كلمة حق
مهما تماطل ما فيش باطل حيصبح حق
وأنا عزمى لو شاب راح يرجع شباب يسحق
وبينى وبينك حيفصل رب العباد بالحق
ياللى أذيت المسيح والغدر من طبعك
وقتل كل نبى ما وافقش على طمعك
وكل شجرة فساد فى الأرض من زرعك
إزاي أطاوعك وأستناك تقول الحق

إزاي أطاوعك وأستنا السلام منك
وأنا عارف إن الخداع والغدر من فنك

يبقى الديانات جميعها حذرت منك
ومعاورنى أميل لك وأقول إنك حيرضيك حق

د أنا عارف إنه مافيش ضلمه تولد نور
وأنت بتلوى العقارب للشمال ... مغرور
ومهما تعند وتتنبنى الضلال والزور
أوعاك تفكر بتزويرك يموت الحق

د أنا أمى لسه صبيه وقاعده بت بنوت
وحتولد اللى حيطلع يمسك النبوت

من بعد ما إنشق ليك البحر وعبرته
ارتحت للسامرى فى الكفر ونصرته
وعملت من صنع يدك عجل وعبدته
وموسى فوق الجبل وعلى اتصال بالحق

من بعد موسى عدلت زيفت فى التوراه

كلمة
في الصفح الرابع

وحذفت منها وأضفت اللي هواك يهواه
ورحت ادعيت الشرف من دون خلق الله
وزعمت إنك مفضل باختيار الله
وقتل كل نبي قال اهتدى بالله
لما المسيح بالصريح قال إني عبد الله
غواك شيطانك ما تسمع منه كلمة حق
بشرت من بعد عيسى بالنبي الخاتم
وزعمت إنك عليم بصفاته عن آدم
لما ظهر في العرب ولكافة العالم
لويت لسانك وقلت الشرك منه أحق

دلوقتي راجع تبشر بالمسيح تاني
ونشأت هيئات تصهين كل رباني
هو المسيح لو رجع راح يبقى علماني
د نهار ميجي المسيح حقيقم عليك الحق
وبيني وبينك حيفصل رب العباد بالحق

الجمنا

وحيثما عرضه وعلى شبر التراب جيموت
ويخطى ويفوت وحيثما أخوه يلحق

د أنا أمي لسه صبيه وقاعده توبها جديد
والفجر شقشيق وم نومها حتصحي أكيد
وحتولد اللي حيطلع يظبط المواعيد
وحيجي يوم عيد وفيه الحلم يتحقق

من قبل إبرام واسم القدس دير سالم
داود سكنها وكان مع أهلها مسالم
حتى سليمان تركلها أمرها سالم
وف اسم سالم معالم شاهده شهادة حق

من قبل موسى ومبنى المسجد الأقصى
يعقوب سجد فيه وكان له مع السجود قصه
وأخذ عليك عهد عند الموت لما وصي

قال يا بنيا اسلموا وما تفتروا ع الحق

وانت اللى أنكرت بعد العهد واستكبرت

بتدور مع الزور وعند المعرفة أدبرت

وف عز موسى مكان فيكم طغيت وكفرت

وقلت موسى خدعنى وما دلنيت على حق ←

خايف من الخوف

عمرى الطويل انسحب من تحت رجاليا
والقوة راحت ومفضلش سمع ولا شوف
ورجعت الدور فى جواى وحوليا
ملاقتش جوايا عايش حى
غير الخوف

خايف من الضى لو يكشف سبب خوفى
خايف من الغى خايف منى على خوفى
خايف من الهم صفى الدم من جوفى
خايف اقول لا يتكسر فى قلبى الخوف

خايف من الضلمة.. خايف من سواد الليل
خايف من البرد.. فى حصار المطر والسييل

خايف ليجرفنى.. تدهسنى سنايك خيل
خايف من الفجر... لو شقشيق مازاعش أذان
خايف من الصبح لو يصبح مافيهش أمان
خايف من الأم ما تضمش وليدها حنان
خايف من الضهر لو ضهرى مايسندنيش
خايف فى ساعة عطش.. ملقيش نصيب فى النيل

خايف من البحر لو يوم انسجر موجه
خايف من العلم.. شايل سم فى دروجه
خايف يموت الشجر .. نخله وجميزه
خايف من الأرض .. لو حبلت من السرطان
خايف من الزرع لو يرضع غثى الغثيان
خايف من النسمة تتنفس هزى الهزيان
خايف من الجوع ليحش الضلوع سيفه
راكب حصانه وجاى يرمح فى كل مكان

خايف من اللى انعوج.. خايف من المقلوب
الندل بقى عدل... متسلط على المغلوب
شاهر سيوفه ويقطع من المصلوب
ومأيد البطش فى إبادة أمم وشعوب
طلع منادى ينادى... إن السفاح مطلوب
كثر عبيد الغريزة.. وكبر الخائنين
افتح بيبان الإباحة ودخل الباقيين
اقلع رداء الأمانة والشرف والدين
لازم نحاكم بهية وينجلد أيوب

خايف من الشمس .. لو غربت فى بستانى
زغلوله يسقط ويفرط طرح رمانى
كان نفسى اخالف واروح خالف ما عيش تانى
وأحس بالقوة ترجع جوفى من تانى
وأحس بالضى .. راح جاي فى التنى
وأشوف أخويا مسك إيدى يطمنى

لكن لسانى عصانى وانخرس منى
وحفرت قبرى وانا مسيطر عليا الخوف

وضوح... وجموح

ياهل الثقافة وياللى جمحت للغربى
حبة لطافه.. عشان الغربى غرر بى
حقك تسيبنى ما تسلكش معاى دربى
حقك تحلل وتختار اللى يحلاك
حقك تجمل فلول نهجك وترحالك
حقك تطوع مداد الشمس لخيالك
من غير جفافه ومن أخلاقى تسخر بى

من غير تهكم ولا تحكم ولا تناول
حرر دماغك وزى ماعاوز اتناول
وبلاش تماطل على الباطل ولا تحاول
تبقى أسطوانة بفكر الغير متعبى

يا حضرة اللى بتتهكم على الأحكام
قلت التدين بطل .. نهج القيم أوهام
وحياتى هى النهارده.. مافيش حياة قدام
ما سألتش الفلسفة ليه سببى للحكمة
دفة زمام الحروب فى مذلة واستسلام

اسألها قديه نصيب اللى نكر ذاته
واللى فداننا بحياته حنكافئه ونديه كام
يمكن نقولك أهو مغفل ضحكت عليه
ودفع حياته فى شعاراته لأنه سفيه
وانت اللى تتعم بنعيم الحياة بعديه
اسألها فين متعتى بين شىء ونقيضه
هو فيه طعام ينطعم إلا بجوع قبله

وياحضرة اللى انشغل بالرفق ع الحيوان

ونشأت هيثا تراعى الكلب والتعبان
ما عطفش قلبك ورق على بنى الإنسان
من كتر جوعه تشوف الدود من جوفه
على نقطة الميه يقتل ألف ميت عطشان

وياحضرة اللى قالوك عيشها حريه
روح مد يدك وخد من ديك ومن ديه
كسر قيود الرقى وعيشها همجيه
قيد الرقى إن كسرتة فيك وفغيرك
حتمد إيد واحدة يتمدوا عليك ميه

وياحضرة اللى قفاك لغلغ من التخمه
ماشى وراك موكبك بتفرق الرحمه
ريق الخلايق جرى.. على ريحة اللحمه
تزغلل عنيا وتخطف لقمتى منى

وبيدك الثانيه تفلق رأسى بالزخمة

وإنت يا حضرة على الأفكار متعدى

والفكر تحتك ودست عليه بتعدى

حرر ميزانك وقد الحق خد وأدى

حقوق ودقق وخلي عنك شوافه

أرجوكوا ياللى انشغالكم فكر وثقافة

طقوس مصرية

فوق

وتأخذني رقصة حيوب سكرانة في الغريال

وفي ضل ضي الشموع اللي مع الأطفال

ألمح خيال الولد فوق وش بنوته

طير حمامها وطارت منها زغروته

طافت ورجعت وعلى خد الوليد حطت

شظية على الأم فوق نار البخور خطت

الدايه أمرت رشوش الملح يتنطط

والرقوه طالعہ بتتخفي في دق الهون

رقبتك يا ضنايا تكون

عمل طيب وقلب حنون

ما يدخلش الشيطان دمك

وينجذب الكلام يمك
ضنايا اسمع كلام أمك

اسمع كلامها ..ما تسمعشنى كلام الناس
ما بين الكل.. أمك قلبها الحساس
بيقضى العمر أوقاته ف دقاته بيدعيك
عزيز القوم يطاطيلك
ويكبر علم تأويلك
ولما تجذب الدنيا
تغطى الأرض محاصيلك
تهون الناس ولا تهونشنى
نخوض البأس ما تخونشنى
بعيد ع الحق ماتكونشنى
وغير الحق ما يهمك
ضنايا.. اسمع كلام أمك

اسمع كلامها... ما تسمعشى كلام خداع
يغمى عنك .. ويبعدهم عن الأوجاع
وياخذك خطوة ورا خطوة حدا البياع
تبيع الدم فى تراه بساعة حظ
ونزرع شرخ من جوه الكيان يتهز
يهز الهم قلب أمك يحزه حز
يعز عليها يكون الهم من يمك
ضنايا .. اسمع كلام أمك

اسمع كلامها .. ما تسمعشى شيطان ملعون
يوسوسلك ف جنح الليل خيال وظنون
تشوف الناس يعيش الغاشم المفتون
تعدى الحق وتركب عليه باطل
يفوت الحق قدام الزمان عاطل
وجوه الحلق يحبس لأ ميت سجان
تخاف م الشمس لو بزغت على الأركان

تدق الضمة أوتادها ف كل مكان
وتفضل لعبه وخبوطها ف يد شيطان
تبيله الأهل يوم خالك ويوم عمك
ضنايا .. اسمع كلام أمك

يفوقنى صراخ الطفل ف الغربال
أبص عليه بيتلفت يمين وشمال
لسان حاله واخذ باله من اللى تقال
ودقة قلبه تسألنى أهم سؤال
أمانه جيلى يادليلى طريقه منين؟
تجاوبه دموى تتسرب على الخدين
ياويلك منى ياويلدى
رمىك للهوان بيدى
أنا اللى قلعت أحلام؛ ونا اللى صبغت أيامك
ونا اللى قفلت كل طريق قدامك
أنا اللى بديت مع التوهه أما جات تبدأ

أنا اللي طاطيت .. وخليت الهوان ينشأ
ونا اللي خرس ما نطقتش .. ما قولتش لأ
أنا البياع .. بيعت الدار على اللي فيه
ما خليتكش شيء واحد تبص عليه
أنا. الخداع .. خدعتك بالأمان وأتاريه
خرايه وغابه وديابه .. وحلم سقيه
أنا الخوان .. وخننتك يوم م جبتك ليه
حتعمل إيه؟..
ومهما حترقك الدايا حتعمل إيه؟..

تجى نحلّم

تجى نحلّم يا حبيبتي
أحلام عاشق سعيد
نرجع آدم وحوه
للعالم من جديد
لو مره الخوف ضايقتنا
ولا الإعصار خنقنا
حنقول له خلاص نطقنا
وحلمنا بشيء مفيد
تجى نحلّم يا حبيبتي
أحلام عاشق سعيد

تجى نحلّم بالصراحة

فى الكلمة وبالوضوح
ولا نحشرش الوقاحة
جوه آمال الطموح
وتفويض ريحة القباحة
من بين الناس تفوح
تتعزز بالوفاق
ع الباطل والنفاق
لما توب الحق ضاق
خلعوه... ورموه بعيد
تجى نحلم يا حبيبتى
أحلام عاشق سعيد

تجى نحلم بالأمانة
ونوفى بالعهود
ونقيم حد الديانة
عند جميع الحدود

ولا تفضلش الخيانة
محمية بالبارود
ناصبة شراك الخداع
قاطعة لسان الدفاع
من يوم ما الحق ضاع
ما خدتش بيده إيد
تجي نحلم يا حبيبتي
أحلام عاشق سعيد

نحلم بالكلمة حرة
وبحرية الرغبة
ولاقيش غصه ومرة
تسكن حلق الضعيف
ولا سافل في العلالين
يا بيس تاج الشريف
ويدوس الكل جاره

من غطسة انبهاره
والناس منه استجاروا
جروهم في الحديد
تجى نللم يا حبیبی
أحلام عاشق سعيد

تجى نللم بالسعادة
مرسومة فی كل دار
وحلاوة لبسامة
عطت وش النهار
ولافیش أطفال حزينة
متباعة للدمار
بيعاها إدين خفيه
موجودة للأذية
شارده م الإنسانيه
وارثه بيع العريد

أحلام عاشق سعيد

تجى نظم بالعدالة

أحلام عاشق سعيد

تجي نللم بالتساوى

فى الواجب والحقوق

وقرار الألبية

جوه المجلس يفوق

ولا فيش فيتو يرده

ويدخله فى الشقوق

ويمد العنصرية

ويهد الإنسانية

وبات البطحية

فى العالم من جديد

تيجى نللم يا حبيبتى

أحلام عاشق سعيد

هاله

من جوه راسي أَلَفْ هَلْ
ولأَيْ هَلْ ما شَفَتْ حَلْ
وتلَمْ حوالِيه الهلول والهلهله
مع كل هَلْ سؤال
وعشرين مسألة
وخدونى برة البيت
وطلعوا فى الخلا
وتحوطنونى بقى ما عنيه تشوف
خالعين براقع الاستحا
طردوا الكسوف
هتفوا بسقوطى
هيصوا دقوا الدفوف

هزولي راسي
زى هز الغريبة
وفضلت افكر
لحد ما التفكير تشل
ملاقتش حل

هل الهلال وسألني هل
شفنا العطاء ظالم وضل
واللا العطاء طول السنين
عالى الجبين أكرم..أجل
طب ليه بنتعمد إهانتته نهملوه
من جوه دهااليز المغارة نسجنوه
لو مر يوم الضوء قصاده تمنعوه

ع الضى من وسط الشقوق بعنيه يطل
ليه اللي عاش العمر سابق بالعطا

لا فى يوم تأخر عن عطائه ولا بطا
نحكم عليه ينزل لحد المرمطة
ولحد حقه تمللى تحصل لخبطة
ويروح نصيبه لغيره
من تحت الغطا
لو قال د حقى ردى دى سلبطه
مجنون وكل كلامه هتش وهلفطه
حتى حروف اسمه عيبطه وشخبطه
أما اللى فاتة وعاش حياته شعيبطه
على كتف غيره وكان نصيرة سفسطه
تلاقية تملى ركب موجات المغمطه
وقطع لسان سيده ونديده جليطه
حكمة وشكمة كتم هواه وزله زل
ملا قتش حل
وفصلت ابطلق جوده هيات الهلال
قال لى ما تستعجاش حضرك مثال

شاوړ علي الكابتن عماد أحمد كمال
خد خطوتين وطلعتي من قلب الطابور
طيار وطائر في السما بين النسور
ولأنه كان طيار جسور يوم العبور
شهدت قيادته على كفايته وهمته
قد الكفاءة كافوه بمهمته
كانت مهمة بتتوصف بالانتحار
والشرط فيها تتقبل بالاختيار
ولأن روح العزم فيه كانت شعار
نفذ بنودها حرف حرف وباقتدار
صوب، حدف، نسف الهدف خلاله دمار
خلا قيادات العدو جالها انهيار
وجميع كلاب الغطسة صابها السعار
صواريخ مدافع طائرات ضربت عليه
وصابوه ولكن رغمها مقدروش عليه
ورجع مضى بركبته وعين من عينيه

ويقلبه يدعى للوطن بالانتصار
وتراب بلدنا وقتما اطلق عليه
رمز البطولة بكل إعزاز وافتخار
ويدال ما نفضل باحترام ننظر إليه
عيشة زمايله بعدها كثرت عليه
وقيمة رخصت عندنا معرفش ليه
وقيمته تساوت عندنا مع كام جنيه
ورقم فى كارت مسمينه أبونيه
بنص أجرة درجة ثانية بالقطار
ركب فى أولى قالوه قوم وارجع ورا
دا الكرسي ده اللي يقطع تذكره
رجع ماشفش اللي لابدله فى الدرة
الكسرى بيغرمه ما قطعش من الشباك
إزاي يا سيدنا الكسرى قال تعليمات
حقه تراجع عندها وتعل.. مات
حقى عليه دلوقتي يدفع من سكات

ويا إما يقطع تذكرة أو غرامه
إما الإهانة وفي المحطة أسلمه
للشرطة رايحه تنبهه وتعلمه
أول ما ينوى على السفر
من غير ضجر يبات وشايل
تحت راسه التذكرة

ولقيت زميله في الدراسة ودفعته
واللى ما جادش بعينه ولا بركبته
طلع التدرج لما وصلت رتبته
فى الجيش لوا وفى المجالس مستشار
وسألت نفسى مين اللى بادر بالقرار
مين اللى قال إن الرموز ترجع ورا
يمكن يكون حضرة جناب المستشار
يمكن أوامر سيدى الباشا اللوا
يمكن يكون هلفوت أو حة حمار

بس المؤكد أنه مربوط في الدوبار
اللى صواب هرتزل محركاه
في البرلمان.. جوه الديوان..

خلف الستار

هويتى

سافرت فى رحلة جوايا
أغوص فى النفس من جوه
تاخذنى ميولى وهويا
ما بين الضعف والقوة
أشوف تكوينى فى سينيى
وأعرف ذاتى مين هوة
لاقيت عارى شراع صارى
ومقدارى جبل على
وبين عارى ومقدارى
هويت وسبحت فى الهوة

لاقيت خوفى لبس جوفى

فى كىس مطاط ما بىطقش
فى وسط حىائى وكسوفى
لسان رطاط ما بىفضش
وعىنى العمىة مفتوحة
وغير الغش ما تحقش
وضحكة فى وشى ما شبوحة
بىتودد ولا تودش

وشفت ضميرى متزفرف
واخد نزلہ وعنده زكام
وقاعد وحده فى آخر
بیتأخر مع الأيام
وعندما یبجى یتکلم
بیتخبط الکلام برغام
تموت الکلمة مخنوقة
وتفضل حشرقة فى صوته

يشوف البسمة مسروقة

ويكره ضعفه وسكوته

يحاول يصحى من نومه

ويتعكر بنبوته

يهز البرد أوصاله

ويفتكر اللى يجراه

ويرجع تانى يتلف

ويدخل فرشته وينام

وشفت فى جوعى موضوعى

وصبرى قصر ديل يا زعر

ألفى ذللى وخضوعى

ألفى لطمه العسكر

ألفى سجنى جوايا

رضايا بالهوان أوعر

ألفى غربتى فى دارى

شعارى فى النفاق أكبر
دالو سجانى غاب عنى
أروح له لحده اتشكر
وأترجاه عشان يرجع
أبوس يده عشان يظهر
أزين لسع كرباجه
واصمم يده تتعطر
بيشاور قبل ما يشاور
ألبى بكل ما أقدر
بدم أخويا اتوضى
واصلى باسمه وأكبر

وشفت أمالى إهمالى
مدوبها فى جنح الليل
وكتف كسلى أحلامى
وغرقها فى بير الويل

رضایا ما یتسم لبني
وجبری كل شیء یبني
وقوتی لفها جبنی
وعیشنی شبابی هزین
سمعت ضمیری بینادی
ویقولی یاواد غلطان
یتنكر مبدئی الهادی
وتتحیز مع الشیطان
دانا الی النیل حلیف جدی
دانا الی بعیش عشان ادی
دانا الی بود وفی ودی
مفیش ندی دانا الإنسان

أنا أول ید شافها النیل
تروض طیشہ وجموحه
وخلته سلسبیل بیسبیل

ويحيى الأرض من روحه


أنا ابن النيل أنا زيه
ورثت طباعه وصفاته
مجودى فى الزمان ضيه
وكونى فى الورى حياته
وطبع النيل رزين هادى
كريم اليد جاره دار
يبدل فى الجماد نادى
وجوه الليل يخللى نهار
ولو كان طبعه متهور
حيثحول فى يوم لبخار
ولاجل الدنيا تبقى عمار
لازم يفضل رزين هادى
وانا ابن الدلتا والوادى
شبيه القلب فى الإنسان

أضخ الدم في الشريان
أشع على الحضارة النور
يبين حسننها المستور
ولما الغير عليا يجور
يكون مغرور أكون هادى

أطول بالى وأسامح
وقلبي بالإيمان زاهر
ولو كان الحصان جامع
أسيب الحبل للآخر
وسجل شكل وملامح
غروره بنكته للساخر

وأما إن كان طوفان جارف
أنا وحدى اللى يتصداه
ويايمانى أكون عارف

منين صده وهو قواه
وامحى وجوده واصلى
صلاة شكر وخشوع لله
دانا المأمون أصون الدين
وأعدل كفة الموازين
وأول مضغة فيها حياة
ببتكون فى جسم جنين
وأخر حس فى الدنيا
وأبعادها يكون له رنين
أنا إدريس أنا عيسى
أنا محمد عزيز وأمين
أنا الإنسان
أنا المصرى.



الحق مين

كل الحكاية كلمتين

الحق مين..

والحق فين

مكتوب على جناح السنين

~~الحق مين~~ الحق عدل ميزانه وقوه

~~عزمه~~ عزمه عزمه ... مروه

شامخ في عين الباطل

~~وحيفه~~ متواضع ... فتوه

لا يطأ راسه ف يوم

ولا يغض الجبين

الحق عمره ما يبقى عاله

ولا كوم زباله
معدود فى وسط الخلق
من ضمن العمال
وهو لعبه
ما بين إيدى الزبالين

والحق عمره ما يبقى تخمة
وطاحونة ضخمة
تطحن وتعصر عضم
كل ضعيف وزحمة
تغسل إيد الخرتيت
بدم الشقيانين

والحق عمره ما كان رزية
ولا بلطجية
تزرع فى قدام كل بيت

سجرة أزية
وتقيد لهيب الزعر
وسط الطبييين

والحق عمره ما كان تواكل دروشة
ولا غلوشة
ولاريج بخور وصوت طبول
وهلوسه
فيها الدجل سوق الأمل
وتباع فى سوق الدجالين

والحق عمره ما كان خداع
ولا حلم ضاع
ولا كل يد بتبنى
تتألم وجاع
والاحترام ييات فى يد الخطافين

والحق عمره ما كان نفاق
ولا كذب فاق
ولا هن وسط في كل
شارع أو رفاق
لما اتخطف تاج الشرف
بقى فوق جبين الرقاصين
والحق عمره ما كان فضايح
ولا بغى طايح
قلع سواقي الأرض
وزرعها مسارح
مثل عليها الكذب
وسط الكدابين

مثل عليها رقصة
للفلاح يبزرع
والناس في كل مكان

تتفرج وتسمع
مستنين القمح .. حينبت ويطلع
على خشبة المسرح
وهما مصدقين

والغلة ما تزرعش
وما دارش البابور
وبخيته وام الخير
كسرت المجور
وطلعت لفرن العيش
وقفت فى الطبور
تاخذ معونة القمح
من يد المعين

ومثل عليها الحرب
زى ما فى الروايه

ما بقاش يدور الضرب

فى ميدان الرماية

مستنى بشرة نصر

من حضن الصباية

اللى فوق المسرح

يرقصوا عريانين

والحق مش تخطيط

وعمل كل حيلة

ولا أساليب التبشير

لدعاوى هزيلة

يتساوى فيها بين

الفضيلة والرييلة

فيها الشنوذ يجوز

غصين عن كل دين

يتساوى فيها بين
السواك وبين اللواط
يتساوى فيها بين
الشموخ والانحطاط
وأهل الضلال واللى
فى كفهم شعر باط
بيبشروا بقدومها
وسط المسلمين
ونا قبل ما انسى
فى عندى لسه
كلمتين
الحق مين
الحق فين

سيناريو وحمار

حرفين تملئ بي عملوا لهم ذوبه
ومكدرين كل الحروف فى المطبعه
وجميع شعوب الأرض وقفت سندهم
~~مكدرين~~ ^{مكدرين} وجودهم كان أساس المنفعه
كل المطابع كرمتهم إلا أنا
قررت أقتلهم وافض المشكله
مدت إديا نزعتهم وحذفتهم فى المزبله
ريحت راسي من الصراع ومن الشغب
ريحت راسي من التعب
وكلامى يطلع مبتسم يطلع طرب
يطلع كلام مافيهوش لا لام ولا ألف
كلام مزوق مؤتلف

مع كل رغبة سيدي.. وبدون غضب
وإيه يعنى لو كان فى النهايه هرجله
أو هرتله

مانا بين شعوب الأرض أس المهزله
فى الإنسانية... ماليش حقوق زى البشر
لكن عليا الواجبات متلته..

حاطينى فوطه ييمسحوا فيها الزفر
وفى النهايه بتتحررق..
أو ينصبوها مقصله..

طلع الكلام سايح ورايح للخوار
من غير إدين تمسك بأطراف الحوار
طلع الكلام... ضلمه

وفارده الأجنحة فوق النهار
طلع الكلام .. عفريت

وساكن كل بيت تحت الجدار
ملس عليا طلعلى ديل وبقيت حمار

وعرفت قدرى جوه فى زريبة الحمير
حببت أعنطز.. أتفرد.. أعمل أمير..
شاورلى جحش وقالى ارجع يا حقيير
أنت اللي زيك يندفن فى جوه بير
أنت اللي زيك نجاسه وحرقتها تطهير
إيه اللي جابك عندنا .. جاي تستجير
أنت مالاكش ف عرفنا جاهـ أو جوار
عيبه علينا نعرفك.. عيبه وعار
بصيت لـ أبوه بادلنى بصة احتقار
ونفر فى وشى نفرتين ثم استدار
كل الحمير تجنبونى بعدها
وفضلت مهمل كم ومالهش اعتبار

أحلى صورة

أحلى صورة صورتك انتى
زى مانتى من زمان
لسه أجمل صورة انتى
لحد ما يؤون الألوان
مانصفكش إن قلت لك... زى الملائكة
كيف يقولوا إنك لبستى توب شيطان

أحلى توب فى الدنيا توبك
وانتى من جوايا حوه
دايبه دوب دايب فى دوبك
شاده روحى بكل قوه
لو فى مره خلعتى توبك

واتبدلتى فى توب ملاك
عيبى أنا راح يعيبك
راح ياخذنا للهلاك
دانتى من جوايا دمي
تكملىنى .. أكملك
بنتى وأمى .. كل همى
إيه فى دنيتى بيدك

أحلى صورة صورتك انتى
وانتى من حواليه أنثى
من هواكى تسير سفينتى
والتقىكى فى شطى مرسه
والتقىتك جنب منى
ضلتى .. شمسى .. هوايا
لو بكيت يوم غصب عنى
تمسحى دمه بكايا

كل غربة تهون معاكى
حتى لو صحراء جفاف
تتبدل جنبه بلقاكى
عمرى وأنا جنبك ما خاف

أحلى من كل الأمانى
وأنتى من قدامى مرأة
من عينيكى أشوف كيانى
ألمح اللحظة اللى طارته
ألمحك من بين وجودى
محوطانى بالأمان
زى زرع بتسقى عودى
عطف .. ومحب .. وحنان

كداين لو قالوا عنك
جوه منك فيه طوفان

لو يهيج يقلع يدمر
يتمحى خط الأمان
كدابين لويوم قالوك
تقسمى معايا المكان
والوفاق اللي جمعنا
يتبدل لقتال بنان
كدابين لو يوم قالوك
تلبسى توب الشيطان
تخرمى قعر السفينة
لاجل تبقى القبطان

كديهم مردود عليهم
ألف مرة بميت لسان
جوه منك نبع صافى
عبر مشوار الزمان
من تاريخ ما أبويا وأمك

طلعوا من بره الجنان
ولسه فاضل نبع صافى
لحد ما يؤون الأوان
ولسه أجمل صورة أنتى
زى مانتى تنقصى..
لو يوم لبستى توب ملايكه وتنتهى..
لو يوم لبستى توب شيطان..

اعرف سكتك

مدام بتعرف سكتك

مين يمنحك

مين يوجعك

مين اللي ناره من جداره حتلسعك

مين اللي تستناه يعينك.. يدفعك

أو ينفعك ميم اللي يقدر لو ثبت يزورك
مين اللي يقدر لو نطقت يسكتك

مدام بتعرف سكتك

مدام بتحلم بالحياة.. بعد الحياة

شايف الشهادة هي الأمل..

طوق الحياة..

واثق بأن العمر من عند الإله

يا إما نصره يا إما حتتول وقتها

فرحة لقاء

حتيون فى عينك دنيتك من مال وجاه

ما تساوى وزن جناح بعوضة فى كفتك

مين اللى يقدر لو نطقت يسكتك

مادام بتعرف سكتك

مدام بيغلبك القدر... ما بتغلبوش

حقك بيدك غلبه... وما تغلبوش

لو شفت يوم الزور غلب... ما تغلبوش
نولت عيال الصبيحة وفي غلبه راي يعلى يوس
تغلب شايون وفي قلب غلبه حيفلى بوش

معلون عيال الصبيحة

فى القرصنة فاقوا الوحوش

هدموا الحجر عدموا البشر

قلعوا الشجر حرقوا العشوش

حتى الأجنة فى البطون

من بطشهم ما يبسلموش
إذا كانوا قتلوا الأنبياء
بالمعجزات وما صدقوش
إزاي تصدق عهدهم
وفى عرفهم ما بيعرفوش
إلا الصلف والعريضة
صوت الندامة بيسمعوش
واللى تربى فى حضنهم
إزاي حيدل أو يحوش
والصهيونية محزماه
وملجماه زى الجحوش
ريك لعنهم فى الكتاب
واكمنهم ما بينتهوش
مطلوب تملى لعنهم
مع ضربهم فوق الوشوش
علشان مايحترموك

ويسمعوا كلمتك
لا بد توجعهم بوخزة شكتك
وما حد يقدر لو نطقت يسكتك
يا ابن العرب بزيادة نوم
أرضك زرعتها بالهموم
جدبت ما بتشوفش المطر
وسماك ملبدة بالغيوم
وكل ما اشتد العطش تمطر جدل
كل العيون متطلعه لنور الأمل
وعنيك مغميها الفشل
كل الإدين ^{مَقْوِيَّة} بقوة بروح العمل
وإديك مكتفها الكسل
صحصح .. وفوق .. فض الخلاف
خلص دراعك م الكتاف
بص اللي عاوزين يدبحوك
دبح الخراف

حطوك وليمة لعرسهم

ليلة الزفاف

انهض وحرر كلمتك

على الهاتف

الله أكبر منهم

بطل تخاف

دا العمر واحد في الميدان

تحت اللحاف

انهض في عمرك قبل زحف منيتك

انهض في عمرك وانتصر لقضيتك

انهض وقول الحق

واعرف سكتك

وما حد يقدر لو نطقت يسكتك

غارة صهيونية

الصهاينة شنوا غاره
شيعوها بالإشاره
كان صداها ربح أزها
دخل الكل المغاره
غارة أقوى من غارات
كل الحروب قسوة مراره
غارة مقدارها دمارها
قد مليون ألف غاره
دمرت حسى شعورى
لبستنى توب حجاره
واللى صابنى يا ناس غلبنى
أعمل ايه يا أهل البصاره

قالوا يا اهل الشر لموا

كل أنواع القذاره

ولضموها كلمة سوده

جوة مفهوم العبارة

بعثروها فى كل حته

كل شارع كل حاره

للجميع يتغنى بيها

والصفاء يصبح عكاره

تصبغوا شكل الثقافه

ينطفى نور الحضاره

مدوا يد الغدره بدره

للشباب أول بشاره

بعدها يتهد حيله

تتقتل فيه النضاره

لبسوه توب التبلد

قلعوه توب الطهاره
ينسى فرضه ينسى عرضه
ينسى صرخة الاستجاره
واللى كان بيذود ويحمى
راح ينام وسط السكارى
حطموا قيود الفضيله
شركوا توب العذاره
فسحوا لبنات بديعه
يلبسوا تاج الإماره
خلى هز الوسط غايه
حلم أحلام البكاره
ينفتح باب الإباحه
للقياحه وللدعاره

د يكم
للموا القرشين فى إيديكموا
بيعوا للناس الخساره

اردموا بير السواقى كسروا ترس الدواره

ترجع القاعدة العريضة

تبقى من ضمن الفقاره

يبقى حلم الكل فيهم

يوم دشيشة يوم بساره

خلى سعد وناسه تانى

يشربوا كاس المراره

والنديم يفضل يهاتى

مايلاقيش حق السجاره

لما يوم شلتوت ينادى

دخلوه جوه المغاره

واللى قال ياولاد بلادى

مسلمين ويا النصاره

كوموله الهم نايب

يملا منه بالشكاره

وقف المعلومه ثابت
عند مخطوط الحجاره
والحديثه تكون فريسه
لعبه الشيش والدباره
تقلعوا الباز اللى نبت
تدفنوه تحت الأزاره
لو زويل حاول وتبت
اكسروه زى الخياره
يرجع العكاز لظه
يمشى ويسوق الحماره
واللى قاله الشيخ رفاعه
يتنزع منه الحراره
تخفقوه جوه المدارس
فى الخصوصى فى الوزاره
حرض التلميذ يمارس
لعبه الغش بمهاره

بيعوا مجهود اللي دارس
للبليد خلف الستاره
تضمنوا على الكرسي جالس
مسؤولين من غيرة بصاراه
شفت كيل الهم طافح
في العنين غطي الفواره
صرختي بالدمع فاضت
عايزة توصل للإداره

أنا لسه حى

أنا لسه حى
وزمانى جاى
والقدس بكره راح تاخذنى فى حضنها
وتقولى أهلا.. مرحبا.. سلامات ياخى
يمكن أكون غمضت على هد البيوت
وقلت لحظة غطرسة
طاطى تفوت..
طاطيت براسى... خزلت ناسى فى السكوت
وسكوتى صبحنى فى عين الصهينه
هين ودايب..
زى خيط الغنكبوت
لكن بقولك ياوطن..

أنا مش حموت
أنا قد هم الصهيونية بزيها
ولا كل هم الدنيا راح يقدر عليا
أنا لسه حي
أنا حصحي من نومي فتي
رافض عباية الملفته
وحمدي يدي في التراب
وأبعد عن الزيف والسراب
وراح اسقى قمحي من النداء
أوم السحاب
وما كلش من قمح المعونة هلفته
أنا حصحي من نومي شباب
عيني على آيات الكتاب
مش راح أتوه
وسط التعالاب والكلاب

ولاقى الوجيعه م الخدعة مغتته

أنا حصحى من نومي جسور

ترسى اللي بطل راح يدور

وسلاحى ما حيقاش دخان

زى البخور

نارى حتحرق كل نيه مبيته

أنا حصحى من نومي صباح

إيدى على زناد السلاح

جوايا غيرة المعتصم

وجهاد صلاح

لا يحوشنى حر الصيف ولا برد الشتاء

أنا حصحى من نومي نهار

واضرب على الطغيان حصار

واحلف بحرمة مسجدي
ودم الصغار
لأشوف عصابة هرتزل مشتته

أنا حصحي من نومي عنيد
وأدوقك بأسى الشديد
واحكم عليك بحكم سعد
ومن جديد
حكم العدالة مافيش جهالة في كفته

بالعدل وحده
ساعتها ح نصب لك ميزان
والطفل يشهد
ألف مشهد .. ميت بيان
وبلهجة العبرية يتخرس اللسان

وتقولى بلسان العرب

حقك عليا

وما كنتش أعرف

أنك أنت لسه حى

المحتوى

٧	إهداء
٩	ابتلاء
١٥	كلمة حق
٢١	خايف من الخوف
٢٥	وضوح... وجموح
٢٩	طقوس مصرية
٣٥	تجى نحلم
٤١	لهله
٤٩	هويتى
٥٧	الحق مين
٦٥	سيناريو وحمار

- أحلى صورة ٦٩
- اعرف سكتك ٧٥
- غارة صهيونية ٨١
- أنا لسه حي ٨٧

شركة الأمل للطباعة والنشر
(مورافيتلى سابقاً)